

聚學軒叢書

文選箋證卷二

聚學軒叢書第五集

績溪胡紹煥學

貴池劉世珩校刊

張平子西京賦

薛綜注

心參體汰

注善曰聲類曰參侈字也昌氏切按說文奢從大者聲參籀文奢是許以參爲籀文奢從大多爲會意玉篇奢式邪切亦作參廣韻參奢兩見亦無參音昌氏切此蓋李登誤以參爲侈始爲是音也平子當用籀文參後云紛瑰麗以侈靡薛注侈靡參放也五臣本不誤善本作參而薛注遂不可通矣攷異云汰當作泰注參汰同薛注體安驕泰者其本作泰而如字解

之也又云泰或作忼習之忼者讀泰爲忼又一解也
善引小雅曰狃忼也者爲薛後解申說也善本必同
薛作泰今各本作忼蓋不知者誤改之
綴以二華巨靈鼉肩高掌遠蹠以流河曲

注薛綜曰巨靈河神也古語云此本一山當河水過
之而曲行河之神以手擘開其上足蹋離其下中分
爲二以通河流手足之跡至今猶存善曰遁甲開山
圖曰有巨靈胡者徧得坤元之道能造山川出江河
按薛注與述征記引古語同薛以爲河神善引開山
圖以巨靈名胡法苑珠林又以爲巨靈大人秦俱海
恐出於不經

巨靈鼃肩

段氏玉裁曰鼃卽鼃之譌詩正義引此賦尙作鼃可證說文鼃從三大三日今詩作鼃者隸省也紹煥按本書吳都賦巨鼃鼃肩魏都賦姦回內鼃皆作鼃當本作三橫目三大俗書橫目爲直而三大遂誤從三人眾經音義七鼃古文鼃同淮南墜形訓食土者多力而鼃高注鼃讀如內鼃於中國之鼃知古作鼃不作鼃矣

右有隴坻之隘隔閼華戎

注善曰說文曰隔塞也今說文隔障也無塞也之訓按當爲說文曰隘塞也善引說文爲隘字作解隘說

文作阨塞也經籍通用隘字左昭元年傳所遇又阨
定四年傳直轅冥阨釋文並云阨本作隘是其證阨
今阨字阨之作隘猶阨之作阨後人不知隘爲卽阨
字遂改隘爲隔與說文不合而段氏據誤本善注逕
易說文隔障也爲隔塞也妄矣

於前則終南太一

注薛綜曰二山名也善曰五經要義曰太一一名終
南此云終南太一不得爲一名矣蓋終南南山之總
名太一一山之別號耳按本書西京賦面終南而背
雲陽下又云太一龍從則亦以爲二山辛氏三秦記
其山從長安西向可二百里中有石室嘗有一道士

自言太乙之精疑太一因太乙精而得名太一特終
南之一山故二名不嫌並舉也

傳元賦終南鬱以巍
峩太乙凌乎蒼昊亦

二山並
舉可證

隆崛崔嵬

按隆崛山形之曲猶响嘯也山曲謂之响嘯亦謂之
隆崛猶車弓謂之枸簣亦謂之隆屈方言車枸簣南
楚之外或謂之隆屈曲脊謂之拘僕亦謂之隆屈司
馬相如大人賦紉折隆穹踞以連卷是

隱磷鬱律

按隱磷鬱律皆不平之貌司馬相如大人賦逕入雷
石之砰磷鬱律兮砰磷與隱磷音並近故山不平謂

之隱麟亦謂之鬱律猶氣不平謂之砢礪亦謂之鬱律其義同也

抱杜含鄠

廣韻寸姥彪西京記云抱土含彪按西京賦謂之西京記猶幽通賦水經注謂之幽通記耳土杜古通彪卽鄠字

實惟地之奧區神皋

注薛綜曰神皋接神之聲善曰漢書曰自古雍州積高神明之隩故立時郊上帝諸神祠皆聚之廣雅曰皋局也謂神明之界局也按薛以皋爲接神之聲則讀皋爲皋某復之皋然本書齊故安陸昭王碑文禹

穴神皋彼神皋對禹穴此神皋對奧區措地言之蕭
公行狀神皋載穆殿下以清似神皋又爲帝王所居
之地猶今云神京耳又按依注則奧當作隩本書西
征賦云張敘神皋隩區奧作隩

錫用此土而翦諸鶉首

注薛綜曰翦盡也善曰盡取鶉首之分爲秦之境王
氏引之曰翦讀爲踐文王世子不翦其類也周官甸
師注引翦作踐踐居也謂居於鶉首之墟也方言慰
廛度居也東齊海岱之間或曰踐趙注孟子盡心篇
云踐履居之也晏子問篇後世孰踐有齊國者皆其
證

叢敬委輅

注善曰漢書音義應劭曰輅謂以木當胷以輓輅也
說文輅車幹苒橫木也段氏注云應劭輅謂以木當
胷以輓車義非以木當胷乃今之緯板與輅各物解
嘲云叢敬委輅脫輓謂委前橫木脫緯板輅非胷前
木也紹煥按段說是也史記叢敬脫輓輅索隱曰輅
鹿車前橫木二人前挽一人推後後漢書注引蘇林
曰輅音凍洛之洛一木橫遮車前二人挽之三人推
之是說史漢家皆以輅爲車前物儀禮既夕當前輅
鄭注輅輶縛所以屬引賈疏謂以木縛車輶上以屬
引於上而挽之是亦以輅爲車前之木淮南兵略訓

百姓之輓輅首路死者高注輅輓輦橫木人間訓羸弱服格於道覽冥訓身枕格而死又作格輅之言格也所以枝格便前挽也孟康漢書注輅音胡格反是也今讀如路非古也

天命不滔

注善曰左氏傳子高曰天命不滔滔與詔音義同按注天命不滔滔當作詔見左哀十七年傳昭二十六年傳天道不詔作詔同而二十七年傳天命不滔又作滔滔詔滔三字音義同逸周書豐謀篇帝命不詔亦作詔

帶側茹於藻井

注薛綜曰藻井當棟中交方木爲之如井幹也善曰風俗通曰今殿作天井者象東井之象菱荷藻水中之物皆所以厭火災按茄卽荷也澤陂有蒲與荷爾雅釋草樊注作有蒲與茄藻井亦謂之綺井本書魏都賦綺井列疏以懸帶七啟綺井含葩又謂之方井魯靈光殿賦圓淵方井是也楊慎外集云綺井謂之鬪八又曰藻今俗云天花板也

披紅葩之狎獵

注薛綜曰狎獵重接貌按獵之言捷也接也狎獵猶捷獵本書洞簫賦羅鱗捷獵吳都賦施榮楯而捷獵魯靈光殿賦獵捷相加義並與狎獵同

雕楹玉碣

注善曰廣雅曰碣磧也碣與烏古字通按正文本作
烏後人誤改爲碣其引廣雅今本所無景福殿賦注
引廣雅曰碣磧也是善所見本有碣字王氏疏證據
補云烏之言藉也藉柱謂之烏猶藉履謂之烏

鏤檻文櫨

注善曰王褒甘泉頌曰編琬琕之文櫨聲類曰櫨屋
連縣也按櫨之言比也謂軒檻之飾櫨聯如櫨也屋
栢櫨聯謂之櫨軒檻櫨聯亦謂之櫨

設切厓隙

注善曰說文曰隙崖也按許以崖釋隙是崖隙義同

陳爲邊旁之名故丁部厓山邊也廣雅厓陳皆訓方
方猶旁也陳之言廉也禮記鄉飲酒禮設於堂廉鄭
注側邊曰廉是也山基之邊爲陳故堂基之邊亦謂
之陳今人猶謂邊旁爲陳此古音古義也

坻嶸 鱗胸棧齷嶢嶮

注善曰廣雅曰坻除也文字集略曰嶸崖也埤蒼曰
鱗胸無涯也按坻之言止也基也太元大豐牆峭坻
注坻足也坻與坻通本書景福殿賦善注坻殿基是
坻爲基也葉氏樹藩謂坻之嶸棧之齷亦以坻爲基
坻嶸垠鄂也釋名殿有殿鄂也又云額鄂也有垠鄂
也凡言鄂者皆謂隆起之狀小雅常隸鄂不韡韡傳

鄂猶鄂鄂然言外發也外發卽隆起貌故殿足隆之
謂之鄂猶額隆起謂之鄂華隆起謂之鄂其義一也
鱗胸亦作嶙峋本書甘泉賦嶙嶙峋峋洞無涯兮與
埤蒼合魏都賦注引埤蒼作山崖之貌疑誤宋祁校
漢書揚雄傳引善云埤蒼曰嶙嶙峋峋深無崖之貌
是也此脫之貌二字

仰福帝居

注薛綜曰福猶同也按薛以福爲同則字當證衣旁
本書東京賦順時服而設福薛注五時之服名隨其
車車各一色以爲福貳匡謬正俗云副貳之字本爲
福從衣畱聲傳寫者誤轉爲示讀者便呼爲福祿之

福失其義矣廣雅曰福盈也疏證云今俗呼一襲爲
一福書史假借便以副字代之史記龜策傳邦福重
寶徐廣曰福音副藏也今本從示傳寫者誤也漢尹
寅碑位不福德魏上尊號奏以福海內欣戴之望字
並從衣

猛虡趨趨

注薛綜曰趨趨張設貌按趨與僨通爾雅洸洸武也
舍人本作僨又與獷通後漢書光武紀注猛或作獷
獷猛貌也武猛義同是趨趨爲武猛貌玉篇引此賦
趨趨作力貌作力卽武猛矣廣韻云趨趨武貌是也
又云張設貌則沿薛注之誤

叛赫戲以輝煌

注薛綜曰叛猶煥也按叛煥音同叛之爲煥猶注之爲煥畔之爲奐並字異而義同

大廈耽耽

注薛綜曰耽耽深邃之貌按本書魏都賦善注沈與耽音義同史記陳涉世家夥涉之爲王沈沈者集解引應劭曰沈沈宮室深邃之貌是耽耽卽沈沈吳都賦光蔭耽耽謝元暉始出倚書簪詩衰柳尙沈沈沈沈沈沈爲宮室深邃之貌故草木陰翳亦謂之沈沈玉篇耽徒含切耽耽宮室深邃貌又作耽耽蓋耽爲正字耽與沈皆同音之假

高門有閼

注善曰毛詩曰皋門有伉伉與閼同按縣釋文伉韓詩作閼玉篇閼閼高貌詩云皋門有閼此當用韓詩說文伉閼也閼門高也門部無閼許從毛故也魏都賦古公草創而高門有閼當亦用韓詩善注毛詩美古公亶父曰高門有閼閼當作伉注亦有伉與閼同四字與此一例而今本脫之遂韓毛不分

虎威章溝

注薛綜曰虎威章溝未聞其意姜氏皋曰虎威章溝三輔黃圖與長水中壘屯騎虎賁越騎步兵射聲胡騎八營同列皆謂宿衛王宮周廬直宿處也本書蜀都賦武義虎威劉注二門名也思元賦右素威以司